


www.BibleForChildren.org


Matiu 8



Na'ia no'opisu pa'are'eme Kena Karari vaji napasi
nejume Jesuni oha 'u'o ijí hinana. Jesuho Huni
tisaiporu pu'úmo ea ka'ene napasi neja kajipo
'waravume roara'omo ijí hijara.



'Ejume pu 'wainia isi parajara. 'Ejume Jesuni ohi
Jesu ijá 'wama Puni 'wainia nipa'arenana 'wamana.
Jesuni ohi pwea kajija ijá 'iama Hura raka
'waramujaho vaha 'iamana.



'Ejume Jesu pu ijá 'iama Toata kajino toa
eje itu'usa'avara 'iavume pu toa 'ejuma
itu'usahara.'Enarena Hu pu ijá 'iama Ja
iviamaa 'ene apena va'e ea ka'ene ahaja
anesuriji ma'avara 'iavume pu ijá vejara.




'E'ejume pu toa ka'ene
'wainia rena kajaho 'eka
va'ume ahaja anesurijara
usea ina henana. 'Enarena
ijí 'wainiakaho ichihi rena
roajaho hu pahenana
kaivo pwea ka'ene toa
kaji 'ejajipo hejara.



Ijihuna'e ahaja iji'ina
'ajohi'inijara napasi
neji'ina 'umejuma rouma
ijá 'wama Ea 'aho'a puni
'wainia mamai marako'a
inare'e iji'a sisea ijura
kaivo a marako'a
sisei inare'e iviamaa
maa inu 'wamana.





Kwaa iha Kena Karari vaji
Jesu aneja vene emaa areri
pavehuni aacha 'ee harura
najahana. 'Ejume Huni
tisaiporua pu kame Hu
nimaa vetiara.



'E'eme Jesuho Pita oni sei vai'i
kavume Pita oni jura paranahijaho
atama ni'ima'uri 'uname haha
ohoa re'eme namana.




'Ejume Hura iji 'unama apene 'urijume ni'aha kwinu
huni atama ka'ene haha ohoa kajaho pa'arejume hu
'urine mataume 'iruma amairia vajihume ijara.



Ijí nusirea kajino pu aneja
vene atakina 'ee ea
ka'ene 'avena sisesapo
ajima'ina mapoka'e
aherame Jesuni roara.
'E'eme ijí nusirea
kajino ea ka'ene ara
kajino hijujija ijí
vwichajama kajaho
niho'o rarene
namana.



Jesura vejume ea ka'ene atama navi'inijaho atama
puna ni'aha kwino pa'arejara. Hu ea ka'ene 'avena
siseapo ajima'inijija venaume ni'aha kwino va'ara.
Hu 'avena sisesa 'waravume ira pa'wara'i ariha
va'ara. Ijihuni maijaho pu Jesu kamareja arihara.



'Ejumakame ea mapoka Huni haha 'una'iro vejara.
Ijihuni maijaho Huni harura ni'ima'ura Huni vaji
rena roe ea mapoka
vejume maraniara.



'Ejume ea ka'ene irivi'inijaho ea no'ona
no'ona ijipo kima apena roara.



'Ejume pura 'unama ka'ene apene
va'e aruhuna areri parejumakame
pu apene kahi ata huri tita
napamareja ea irivi'ina
kajaho kichiji'i ijino
apúsavume
arihana.




Pu Jesu nimaa roja kaji Hu kimarena
irivi'ina kajaho ijá 'wama
Nuni harihe oni sisea
vwihanae arevu'e
pa'arenu 'wamana.
Hu irivi'inijaho ijá
'wama Na a 'waravu.
'Urine oni suha
apene ari va'a
'wamana.



'E'ikaivo Hu va'e sisima vaji
ajivume Huni tisaiporu pu
pu'úmo va'ara. 'E'eme
soha kajaho niho'o
ajira amenarena sisima
kajaho sisera'i venana
kaivo Jesuho nenana.



'Ejume Hu ijá 'iama Nimairoa ma'u'u maikije ja
rakijihuna'e juvo? 'i'i kaivo iji'a 'urina 'waravume
puura ka'ene hirame 'ee soha ka'ene amenajaho
maho'o pa'arenana. 'Ejumakame
pu oja hwa'usunaha'eme
ijá 'wava Hu ea iraka
sa'ina'omo Hu
'waravume puura
'ee soha Huni ira
hejare? 'wavara.



Godi mwe'a kakaho oja niho'o
mahajihuna'e Huni Hariha nikwinuna
kaivo Hu múhana'omo ea irara Hu
nimaa ronujaho hu papa'arehuna
kaivo hu majama hihuna.



Romani 3:23

'Enajihuna'e nú ea mapoka sisea 'ee Godoni
manuriji areria pana.

Romani 6:23

Sisei jihuni 'ehijaho kwamasahuna kaivo Godira swara
ka'ene mamúhajaho Jesu Keriso ka'ene Natohwi jihuni
vaji majama hihuna.

Hipuru 9:27

Emaa kwinu kwino kwamasahuni vea iji pijahu'e
namuna'omo kwamasahareje 'otua vehuna.

Epasasi 2:8,9

Godira maiji vwihanúani vajijino ja nimaa rojajihuna'e
maraniana. Ijaho jara joni harurijino vehuna
pana kaivo Godira swara vene múhana.



Ijaho kaukara'e ja vejakame ijihuna'e veje maranihuna
panakúne ja ea pina jarika pare'amana.

Romani 10:9,10

Ara oni iri Jesuho oni Natohwa 'wa'ika'i Hura kwavume
Godira vejume 'urinaji oni oja vaji nimaa ro'amajaho a
Godoni ea ariramaa rehuna. Ijihuni maijaho ea oja vaji
nimaa ronujaho hu ea ariramaa renuna. 'Ene huni irijino
nahame 'waramajaho hu Godoni ea renana.

Joni 3:16,17

Godi mwe'a kakaho oja niho'o mahajihuna'e Huni Hariha
nikwinuna kaivo Hu múhana'omo ea irara Hu nimaa
ronujaho hu papa'arehuna kaivo hu majama hihuna.
Godi Hariaha ranavume iki mwe'i 'otua pave'i roana kaivo
mwe'akara huni vaji mara'amarono roana.



1 Joni 5:11-13

Iraka ka'ene 'warumajaho ikena. Godi majama hihuna m'uhana 'ee ike majama hihunakaho Huni Harihi jihuni vajina. Ea irara Huni Harihi apenujaho hu majama hihuna kaivo ea irara Godoni Harihi papenujaho hu majama hihunijaho papenu. Ike raka ka'ene na vejukaho ja ea irahipo Godoni Harihi jihuni ihiji nima rojujihi puna'e veju. 'Ejakame ja majama hihuna ka'ene apejaji hena ka'avarono veju.



Matiu 8-9; Maka 1-2, 4; Ruku 4, 8; Joni 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Ese Bible (mcq) © 1999, Wycliffe Bible Translators, Inc.
All rights reserved.

<https://live.bible.is/bible/MCQSPP/MAT/1>

©2026 Bible for Children, Inc.

www.M1914.org

www.bibleforchildren.org

